



24.11.2011

PROTOKOLL

Møte i **PROGRAMUTVALET FOR LÆRARUTDANNINGA** måndag 14. november 2011, kl. 12.15-14.00, undervisningsrom 130, Sydneplassen 12/13.

Til stades:	Leiar	Anne-Brit Fenner
	IF	Tor Jan Ropeid
	AHKR	Christian Sæle
	LLE	Heming Gujord
	Frå administrasjonen	Silje Anette Lindgren (sekretær)
		Hilde Hjertager Lund (observatør)
Ikkje møtt:	Visedekan for undervisning	Jan Oldervoll (observatør)
	Studentrepresentant, IL	Randi Ødegård

I	Godkjenning av innkalling og sakliste
	To orienteringssaker blei lagt til: Orienteringssak 8: Møte 16.11.2011 om ny modell for integrert lektorutdanning ved HF Orienteringssak 9: Partnerskuleseminar 1. og 2. desember på Voss
II	Godkjenning av protokoll frå møtet 10.10.11
	Protokollen blei godkjent utan merknader.
III	Orienteringssaker
	1. Møte i Programstyret 24. oktober 2011 Hilde Hjertager Lund orienterte. Følgjande saker frå møtet 24. oktober 2011 var av interesse for PUHF: S28/11 Klagebrev fra studenter og innslag på student-TV vedrørende misnøye og problemer på lektorutdanning på HF Programstyret hadde invitert to av studentane på integrert lektorutdanning ved HF til å delta på møtet. Det blei framheva at ein del av problema knytte til kollisjonar i praksis kunne ha vore løyste ved betre kommunikasjon og informasjonsflyt mellom UiB og praksisskulane. S30/11 Ny rammeplan for lærerutdanningen – føringer fra Kunnskapsdepartementet Programstyret oppmodar fagmiljøa og leiarane for lærarutdanningsutvala ved fakulteta om å vere aktive i prosessen som omhandlar ny rammeplan for trinn 8 - 13. I møtet 24. oktober 2011 blei det vedteke at LU-utvala skal informere leiinga ved fakulteta om retninga for rammeplanen, og at dei uttalar seg skriftleg om innhaldet i rammeplanen til Programstyret. Slik kan lærarutdanninga ved UiB sende ei samla høyringsfråsegn om rammeplanen til universitetsleiinga. Per 1.8.2012 vil det vere sett ned eit nytt programstyre for lærarutdanninga ved UiB, som vil ta prosessen med innføring av

rammeplan8-13 vidare.

2. Møte i arrangementskomiteen for årleg lærarutdanningskonferanse ved UiB

Silje Anette Lindgren orienterte.

Det planlagde møtet 9. november 2011 blei utsett til 14. november 2011. Forslag til tema for konferansen er ny nasjonal rammeplan. PUHF foreslo praksis som eit anna aktuelt tema.

3. Møte om felles metodekurs på VID-MAUNOR, VID-MAUENG og VID-MAUMAT 10. november 2011

Anne-Brit Fenner orienterte.

I studieplanane for erfaringsbasert master i undervisning med fordjuping i norsk, engelsk eller matematikk ligg det inne eit felles metodeemne, *Vitskapeleg metode og erfaringsdeling*. Emnet skal for første gong haldast våren 2012. Det psykologiske fakultet er ansvarleg for emnet, men fordi det gjennomgåande emnet *Profesjon, refleksjon og erfaringsdeling*, administrert av HF og MN, skal utgjere ein del av undervisninga, vil ein halde eit møte der blant anna tema, omfang og eksamen står på agendaen. Opphavleg var møtet sett til 10. november 2011, men dette blei avlyst. Per 14. november 2011 var ikkje ny dato for møtet avklart.

4. Samrådsmøte om PPU 24.- 25. november i Tromsø

Anne-Brit Fenner orienterte.

Heming Gujord (LLE) deltek på konferansen om PPU i Tromsø.

5. Utlysing av stillingar i fagdidaktikk ved IF

Anne-Brit Fenner orienterte.

IF lyste tidlegare i haust ut ei stilling som førsteamanuensis i engelsk fagdidaktikk. Denne stillinga vil bli lyst ut på ny. Det vil også bli lyst ut ei stipendiatstilling i engelsk fagdidaktikk. Dersom det ikkje skulle melde seg kvalifiserte søkjarar til stillinga som førsteamanuensis, har IF moglegheit til å lyse ut totalt to stipendiatstillingar.

6. Kort rapport frå programsensor

Anne-Brit Fenner orienterte.

Per 14. november 2011 hadde ikkje PUHF motteke årsrapporten frå programsensor for integrert lektorutdanning med master i framandspråk og integrert lektorutdanning med master i nordisk. På bakgrunn av blant anna telefonsamtalar med programsensor Andreas Lund, var det likevel klart at ein slik rapport vil liggje føre om kort tid. Rapporten ville ikkje omhandle skissa til ny modell for integrert lektorutdanning ved HF, som visedekan Jan Oldervoll la fram på førre møte i PUHF, 10. oktober 2011, S11/28. Det blei på møtet i PUHF 14. november 2011 ytra ønskje om at programsensor nemner skissa i årsrapporten. (Rapporten, datert 1. november 2011, blei sendt leiar i PUHF neste dag.)

7. Rapport frå UHR: "En helhetlig tilnærming til lærerutdanning"

Anne-Brit Fenner orienterte.

Nasjonalt råd for lærerutdanning (NRLU) sette i 2010 ned ei arbeidsgruppe med oppgåve å greie ut korleis ulike lærerutdanningar best utfører funksjonane sine. Spesielt skulle forslaga til arbeidsgruppa rette seg mot

	<p>behovet til barnehage og skule, relatert til lærarutdanningane.</p> <p>UHR sende rapporten frå arbeidsgruppa over til medlemsinstitusjonane 1. september 2011. Rapporten blir sett på som eit viktig innspel til arbeidet med nye rammeplanar for trinn 8 - 13.</p> <p>Det blei i møtet i PUHF 14. november 2011 peika på at rapporten vil få konsekvensar for ny rammeplan, og at det er element der som vil kome i konflikt med skissa til ny modell for integrert lektorutdanning ved HF (møtet i PUHF 10. oktober 2011, S11/28).</p> <p>8. Møte 16.11.2011 om ny modell for integrert lektorutdanning ved HF Anne-Brit Fenner orienterte.</p> <p>Onsdag 16. november 2011 har visedekan Jan Oldervoll invitert fagdidaktikarar og fagkoordinatorar i aktuelle fag til møte for å diskutere skissa til ny modell for integrert lektorutdanning ved HF (møtet i PUHF 10. oktober 2011, S11/28).</p> <p>9. Partnerskuleseminar 1. og 2. desember på Voss Anne-Brit Fenner orienterte.</p> <p>Lærarutdanninga ved UiB inviterer til partnerskuleseminar på Voss 1. og 2. desember. Skulane som er med i partnerskapsavtalen deltek.</p> <p>Leiar av PUHF, Anne-Brit Fenner, kan ikkje delta, men Heming Gujord (LLE) og administrativ koordinator Silje Anette Lindgren er påmeldte.</p>
IV	Saker
<u>S11/30</u>	<p>Tydeleggjering av informasjon knytt til studieveker Vedtak: PUHF oppmodar fakultetet om å sende eit brev til institutta, der ein ber om at det blir tydeleggjort ovafor studentane at eventuelle studieveker ikkje er liketydig med haust- eller vinterferie.</p>
<u>S11/31</u>	<p>Vedtak gjort på møtet i Programstyret 24. oktober 2011 som gjeld S28/11 Klagebrev fra studenter og innslag på student-TV vedrørende misnøye og problemer på lektorutdanningen på HF Vedtak: PUHF sender brev til Det psykologiske fakultet og til Programstyret der Programstyret blir bedt om å fatte nytt vedtak i saka.</p>
<u>S11/32</u>	<p>Høyring om skikkethet i lærarutdanninga Vedtak: Dersom PUHF har ytterlegare merknader til rapporten frå Det psykologiske fakultet, sender leiar ei fråsegn til HF-fakultetet.</p>
<u>S11/33</u>	<p>Juleavslutning for tilsette knytte til lærarutdanninga ved UiB Anne-Brit Fenner og Silje Anette Lindgren vil prøve å få til ei juleavslutning for tilsette knytte til lærarutdanninga ved UiB.</p>

<u>S11/34</u>	<p>Ny nasjonal rammeplan for integrert lektorutdanning, adjunktutdanning og PPU</p> <p>Det er viktig at fagdidaktikarane ved HF i størst mogleg grad involverer seg i arbeidet med ny nasjonal rammeplan for integrert lektorutdanning, adjunktutdanning og PPU. PUHF vil oppmode alle til å lese rapporten frå UHR, "En helhetlig tilnærming til lærerutdanning", som blir peika på som eit viktig innspel til Kunnskapsdepartementet og Rammeplanutvalet. Rapporten kan lastast ned frå denne sida: http://www.uhr.no/aktuelt_fra_uhr/en_helhetlig_tilnerming_til_lererutdanning</p> <p>Vedtak: Det blir sendt informasjon til alle fagdidaktikarane ved HF om ny nasjonal rammeplan for integrert lektorutdanning, adjunktutdanning og PPU.</p>
<u>S11/35</u>	<p>Avslutning for studentar på PPU – representant til komité</p> <p>Anne-Brit Fenner melde seg som representant til komiteen for avslutninga knytt til PPU.</p>
V	<p>EVENTUELT</p> <p>Det var ingen saker under eventuelt.</p>
	Anne-Brit Fenner
	Silje Anette Lindgren